

Azizan, Nadira atlet terbaik UnisZA KASMO 13/10/2013

EJAYAAN dua atlet kebangsaan yang juga merupakan pelajar Universiti Sultan Zainal Abidin (UnisZA), Noor Azizan Nor Azli, 21, dan Fatin Nadira Hassin, 21 dalam beberapa kejohanan di dalam dan luar negara dihargai.

Noor Azizan yang merupakan atlet karate-do memperoleh pingat perak pada Piala Asia 2012 dan gangsa pada Sukan Malaysia (Sukma) 2012 membolehkan dia dianugerahkan sebagai Olahragawan sempena Anugerah Sukan UniSZA 2012 yang diadakan di Kuala Terengganu, kelmarin.

Fatin Nadira pula yang mendapat pingat perak bagi acara memanah pada Sukan Universiti Dunia (WUG) 2012 dan menyertai Sukan Universiti Asia (AUG) 2012 dipilih sebagai Olahragawati pada majlis penghargaan sumbangan atlet universiti tersebut.

Pada majlis itu, Noor Azizan dan Fatin Nadira masing-masing menerima wang tunai RM1,000, piala pusingan, piala iringan, jaket serta sijil penghargaan yang disam-



PARA penerima anugerah bergambar kenangan dengan Prof Dr Yahaya Ibrahim (berdiri 5 dari kiri).

paikan Naib Canselor UniSZA, Prof. Dr. Yahaya Ibrahim.

Menurut Noor Azizan yang merupakan penuntut tahun tiga jurusan Diploma Teknologi Maklumat dan Multimedia universiti itu, dia bangga dapat menjulang nama Uni-

SZA dalam sukan karate-do sehingga ke peringkat antarabangsa.

Jelasnya, anugerah yang dimenangi pada majlis itu membakar semangatnya untuk terus melakar lebih banyak kemenangan pada kejohanan akan datang.